



ТОШКЕНТ ҲАҚИҚАТИ

Вилоят ижтимоий-сиёсий газетаси

TOSHKENT HAQIQATI

Ҳақсўвар, она юрт, мангу бўл овод!

1928 йил 11 декабрда асос солинган • 2003 йил 15 февраль, шанба • №13 (11.504)

Эркин нарҳда сотилади

Ўзбекистон Республикаси Вазирлар Маҳкамасининг
Қ А Р О Р И

2003-2006 йилларда чакана савдо, умумий овқатланиш ва аҳолига маиший хизмат кўрсатиш корхоналари тармоқларини ривожлантиришга доир қўшимча чора-тадбирлар тўғрисида

Аҳолининг чакана савдо, умумий овқатланиш ва маиший хизмат кўрсатиш корхоналари хизматларига бўлган эҳтиёжини янада тўлиқ қондириш, уларнинг тармоғини, айниқса хизматлар кўрсатиш даражаси республика бўйича ўртача даражадан паст бўлган минтақаларда янада кенгайтириш мақсадида Вазирлар Маҳкамаси қарор қилади:

1. Ўзбекистон Республикаси Иқтисодиёт вазирлиги, "Ўзбексавдо", "Ўзбекбирлашув" компаниялари ва "Маиший хизмат маркази" очик акциядорлик жамияти томонидан Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргалликда ишлаб чиқилган 2003-2006 йилларда чакана савдо, умумий овқатланиш ва аҳолига маиший хизмат кўрсатиш корхоналари тармоқларини ривожлантириш дастурлари маъқуллансин.

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари "Ўзбексавдо", "Ўзбекбирлашув" компаниялари, "Маиший хизмат

маркази" очик акциядорлик жамияти, "Савдо", "Матлуботсавдо" ҳудудий компаниялари, аҳолига маиший хизмат кўрсатиш уюшмалари, Тошкент шаҳар ҳокимлигининг Савдо, хизматлар соҳаси ва халқ истеъмол товарлари ишлаб чиқариш департаменти иштирокида кўрсатилган дастурларни амалга ошириш бўйича жойларда амалий ишлар ташкил этилишини таъминласинлар.

2. Белгилансинки, дастурларда назарда тутилган чакана савдо, умумий овқатланиш ва аҳолига маиший хизмат кўрсатиш корхоналарини қуриш, реконструкция қилиш ва жиҳозлаш савдо, маиший хизмат кўрсатиш ташкилотлари ва корхоналарининг ҳамда

тадбиркорларнинг ўз маблағлари, шунингдек, тижорат банклари ва бошқа молия ташкилотларининг кредитлари ҳисобига амалга оширилади.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

"Ўзбексавдо", "Ўзбекбирлашув" акциядорлик компаниялари ва "Маиший хизмат маркази" очик акциядорлик жамияти иштирокида чакана савдо, умумий овқатланиш ва аҳолига маиший хизмат кўрсатиш корхоналари тармоғини ривожлантиришнинг аниқ дастурларини (аҳоли пунктлари бўйича) бир ой муддатда ишлаб чиқсинлар ва тасдиқласинлар, бунда барпо этилаётган объектларни мавжуд савдо ва хизмат кўрсатиш соҳаси аҳолининг кўрсатилаётган хизматларга бўлган эҳтиёжи таъминланмаётган туманлар, шаҳарлар ва қишлоқ аҳоли пунктларида

(Давоми 2-бетда).

Халқ депутатлари вилоят кенгашида

ДИҚҚАТ МАРКАЗИДА — ДОЛЗАРБ МАСАЛАЛАР

Кейинги йилларда халқ депутатларининг ижтимоий-иқтисодий ва маънавий-маърифий ҳаётдаги фаолликлари сезиларли ортиб бормоқда. Доимий комиссиялар таркибида иш олиб бориб, улар таракқиётимизнинг ҳозирги босқичидаги барча долзарб вазифалар муваффақиятли ҳал этилишига тобора салмоқли ҳисса қўшаётирлар.

Чунончи, иккинчи чақириқ халқ депутатлари Тошкент вилоят кенгаши фаолиятининг самарали бўлишини таъминлашда етти доимий комиссиянинг ҳиссаси ошиб бораёпти. Улар қонунлар, фармонлар ва қарорлар жойларда бажарилишининг аҳоли, ислохотларнинг амалга оширилиши ва бошқа масалалар билан муттасил танишиб бораётирлар. Жумладан, қонунийлик, ҳуқуқ-тартибот ва фуқаролар ҳавфсизлигини таъминлаш масалалари доимий комиссияси ўз йиғилишида «Ўзбекистон Республикасининг Давлат чегараси тўғрисида»ги Қонун ва вилоят ҳокимининг давлат чегараларини қўриқлашда аҳоли ва «Чегара посбонлари» жамоат тузилмаларининг ролини ошириш тўғрисидаги қарорларини амалга ошириш масаласини алоҳида муҳокама қилди. Бу доимий ко-

миссия айрим долзарб масалаларни бошқа комиссиялар билан ҳамкорликда кўриб чиқиш тажрибасини ҳам кенг қўлламоқда. Саноат, транспорт, қурилиш, алоқа ва аҳолига хизматлар кўрсатиш масалалари доимий комиссияси ишлаб чиқаришни маҳаллий хом ашё ҳисобига кенгайтиришнинг 2005 йилгача мўлжалланган дастури шаҳар ва туманларда қандай бажарилаётганлигини ҳамisha диққат марказида тутмоқда. Шунингдек, бошқа доимий комиссияларнинг фаоллиги ҳам ортиб бораётир.

Халқ депутатлари вилоят Кенгаши доимий комиссиялари сўнги ўз йиғилишларида 2003 йилги иш режасига бир қатор долзарб масалаларни кўриб чиқди. Чирчиқ шаҳри, Бекобод ва Бўстонлиқ туманлари хотин-қиз-

(Давоми 2-бетда).

Ҳисобот

ДИВИДЕНДГА 20.000.000 сўм

Тошкент туманидаги Фуломмахмуд Абдуллаев номли ширкат хўжалиги аъзоларининг 2002 йил якунларига бағишланган ҳисобот йиғилиши бўлиб ўтди. Унда вилоят ҳокими Умнат Мирзақулов ва республика Бош вазирининг ўринбосари, Қишлоқ ва сув хўжалиги вазири Носир Юсупов сўзга чиқди.

Бу хўжаликда аграр тармоқни тубдан ислох қилишга қаратилган қонунлар, Президент фармонлари, ҳукумат қарорлари ҳамда бошқа меъёрий ҳужжатларнинг ижроси йўлида амалга оширилаётган чора-тадбирлар, хўжаликнинг иқтисодий салоҳияти, оддий меҳнаткашларнинг турмуш даражаси ҳақида кўп ёзилган.

Хўжаликда ибрат олса, ўрганса арзийдиган ишлар кўп. Аввало, тармоқда ўтказилаётган ислохотларга бозор иқтисодиёти талаб-қоидалари асосида ёндашилмоқда. Бунда асосий этибор далада ишлаётганларнинг моддий манфаатдорлигини амалда таъминлашга қаратилмоқда. Шу боис кейинги йилларда одамларда ердан унумли, ўғит, сув, техника воситаларидан самарали ва тежамли фойдаланишга, яъни кам сарф-ҳаражат билан кўпроқ даромад олишга интилиш кучайди. Энг муҳими — деҳқонларнинг ерга, меҳнатга муносаба-

ти ўзгарди. Аввалги тузумдан мерос қолган боқимандалик, ўзибўларчилик, камроқ ишлаб, умумий хирмондан кўпроқ ўпириш каби иллатлар барҳам топиб, улар ўрнини ўз меҳнатидан моддий манфаатдорлик, ўз ҳақ-ҳуқуқини англаш ва ўрни келганда талаб қилиш, тадбиркорлик, яхшироқ яшаш йўлида изланиш каби ҳислатлар эгалламоқда.

Бундай изланиш ва интилишлар ўз самарасини бераёпти. Зеро, моддий манфаатдорлик устун бўлган, меҳнат кадр топган жойда иқтисодий юксалиш ва фаровонликка эришилиши шубҳасиз. Бунга мисол келтириш учун узоққа бормаи, ўтган 2002 йилда деҳқончилик ва чорвачилик тармоқларида қўлга киритилган ютуқларни, ижтимоий, маданий-маърифий соҳаларда амалга оширилган тадбирларнинг натижаларини таҳлил қилиш кифоя.

(Давоми 3-бетда).



ЧЕМПИОНЛАР ШУ ЕРДА ЕТИШИБ ЧИҚАДИ

Юқоричирчиқ тумани «Дўстлик» ширкат хўжалиги ҳудудида жойлашган Хван Ман Гим номидаги стол тенниси клуби нафақат туман ёки вилоят, балки бутун республикада ушбу сеvimли спорт турини кенг ривожлантириш, юзлаб болалар ва ўсмирларни доимий машғулотларга жалб этишга катта ҳисса қўшмоқда. Ҳозир бу ерда мамлакатнинг ўнлаб олис-яқин шаҳар ва туманларидан келган 60 дан зиёд ўғил-қизлар аниқ дастур асосида мунтазам шуғулланмоқда.

Ушбу ёшлар орасида халқаро турнирларнинг ғолиблари, республика чемпионлари анчагина.

СУРАТЛАРДА: Украина Республикасида хизмат кўрсатган мураббий Илья Фрейгер шогирдлари даврасида; Навоий вилоятидан келган спорт усталигига номзод Манзура Иноятова халқаро мусобақаларда эришаётган ютуқларидан мамнун.

Еркебой БОТИРОВ олган суратлар.

Болалар спортга эътибор

ҚИЗЛАРГА НИМА ЯРАШАДИ?

Сўнги вақтларда юртимизда ёш авлодни ҳам жисмоний, ҳам маънавий баркамол қилиб вояга етказиш, уларнинг ҳаётини спорт билан узвий боғлаш масаласига ҳар қачонгидан ҳам кучли эътибор қаратилмоқда. Бу узоқни кўзлаб, юртимиз келажагини ўйлаб қилинаётган иш. Болалар спортини ривожлантириш жамғармасининг ташкил этилгани бу борадаги амалий қадам бўлди.

7 февраль куни Оқсарой қароргоҳида ушбу жамғарма Ҳомийлик кенгашининг мажлиси бўлиб ўтди. Унда мамлакатимиз Президенти ўзбек қизлари асосан қайси спорт турлари билан шуғуллангани маъқул,

(Давоми 8-бетда).

Ўзбекистон Республикаси Вазирлар Маҳкамасининг

Қ А Р О Р И

2003-2006 йилларда чакана савдо, умумий овқатланиш ва аҳолига маиший хизмат кўрсатиш корхоналари тармоқларини ривожлантиришга доир қўшимча чора-тадбирлар тўғрисида

жойлаштиришга алоҳида эътибор берсинлар;

чакана савдо, умумий овқатланиш ва маиший хизмат кўрсатиш объектларини жойлаштириш (ташқил этиш) учун турар жой ва нотурар жой биноларидаги мавжуд бўш майдонларни белгиланган тартибда хатловдан ўтказсинлар;

чакана савдо, умумий овқатланиш ва маиший хизмат кўрсатиш

(Давоми. Боши 1-бетда).

объектлари қурилишига аҳоли учун қулай жойлардаги ер участкаларини тадбиркорларга танлов асосида берсинлар;

тегишли шаҳарлар, туманлар ҳокимликлари, лойиҳалаш ташкилотлари билан биргаликда тегишли ҳудудни қуришнинг бош режасига мувофиқ дастурларда назарда тутилган савдо, умумий овқатланиш ва аҳолига маиший хизмат кўрсатиш корхоналарини қуриш, реконструкция қилиш ва жиҳозлаш

бўйича зарур лойиҳа-смета ҳужжатларини ишлаб чиқсинлар;

йилнинг ҳар чорағида 2003-2006 йилларда чакана савдо, умумий овқатланиш ва аҳолига маиший хизмат кўрсатиш корхоналари тармоғини ривожлантириш дастурлари бажарилишини кўриб

Вазирлар Маҳкамасининг Раиси

И. КАРИМОВ.

Тошкент шаҳри, 2003 йил 13 февраль.

ДИҚҚАТ МАРКАЗИДА — ДОЛЗАРБ МАСАЛАЛАР

(Давоми. Боши 1-бетда).

лар қўмиталари Президентнинг ҳарбий қисмларда интизомни мустаҳкамлашга қаратилган чора-тадбирлар тўғрисидаги Фармони бажариш борасида олиб бораётган ишларни сессия муҳофазатига тайёрлаш билан боғлиқ масалани кўриб чиқиш чоғида доимий комиссиялар йиғилишига вилоят ҳокимлиги котибият ва гуруҳ раҳбарларидан ташқари, шаҳар ва туман ҳокимларининг ижтимоий масалалар билан шуғулланувчи ўринбосарлари, хотин-қизлар қўмиталари раислари ҳам таклиф қилинди.

Ижтимоий-маданий тараққиёт доимий комиссияси йиғилишида вилоят ҳокимининг 1999 йил 10 июндаги «Маданият муассасалари фаолиятини такомиллаштириш чора-тадбирлари тўғрисида»ги қарори жойларда қандай бажарилаётганлигини ўрганишни ташқил этиш билан боғлиқ масала кўриб чиқилди. Шаҳар ва қишлоқларда маданий-маърифий ва маънавий тарбиянинг аҳоли билан танишиб, таҳлил қилиб чиқиш ва бу ишни янада яхшилашга қаратилган таклифлар тайёрлаш учун махсус гуруҳлар тузилди. Улар жойларга жўнаб кетдилар.

Ўз мухбиримиз.

ЎҚУВЧИЛАРГА СТИПЕНДИЯ

«Бунёдкор аёл» нодавлат, нотижорат маркази тузилганига ҳали кўп бўлгани йўқ. Аммо у ўз фаолиятини хайрли ишларни амалга оширишдан бошлади.

Марказ томонидан Оҳангарон шаҳридаги 1-ўрта мактабнинг аълочи ва фаол ўқувчилари учун ҳар бири беш минг сўмлик учта стипендия белгиланди.

Ана шу муносабат билан мактабда бўлиб ўтган йиғилишда «Бунёдкор аёл» вилоят маркази директори Мамлакат Жўраева, шу марказнинг Оҳангарон, Олмалик, Ангрен шаҳарлари бўлими директори Муҳаррам Сайфуддинова ва бошқалар иштирок этдилар.

Бу стипендия танлов асосида ўтказилиб, энг яхши ўқувчиларни рағбатлантириш мақсадида берилди.

Нурали АБДУРАСУЛОВ.

Зулфия номидаги Давлат мукофотида номзодлар

КАМАЛАКНИНГ ЕТТИ РАНГИ

Елизавета Цой — расм чизиш, рақс, мусиқа ва қўшиқчиликдаги ижрочилик маҳорати учун санъат йўналиши бўйича Зулфия номидаги Давлат мукофотида тавсия этилган.

Ёмғирдан сўнг қуёшнинг заррин нурлари оғушида ял-ял товланадиган камалакнинг етти рангига кўзингиз тушганми? У шундай товланадиган, ранглар жилосини кўриб, кўзингиз қувонади. Нигоҳингиз, қалбингиз олам-олам завқу шавққа тўлиб, бетакор ранглар оғушида ўзгача жозоба, ўзгача мазмун кашф этади. Елизавета Цой билан суҳбатлашганимда ана шундай ҳолатга тушдим. Камалак рангларининг товланишларини яна бир бор ҳис қилгандек бўлдим.

— **Лиза, соф ўзбек тилида гапиришни кимдан ўргангансан?** — сўрайман хайратимни яширолмай. Суҳбатдошим жилмайдди. «Чиройли жилмаяркан», ўйлайман ўзимча. Кейин бирдан уни «Олтин микрофон» кўрсатувида иқтидорли хонанда Севара Назархон билан басма-бас ўзбекча қўшиқ айтганини эслайман.

— Болалигим Чинознинг боғу роғлари, кўркам далаларида кечган. Одатда қишлоқ болалари шўх-шаддод, ҳар нарсага қизиқувчан бўлишади. Агар улар билан тенгма-тенг гаплашолмасанг, устингдан кулишади. Хуллас, онамни ҳоли-жонига қўймай, ўзбек мактабда ўқийман, деб туриб олдим. Абу Райхон Бериуний номидаги 1-умумтаълим мактабига бордим. Ўша пайдаги ҳолатимни бир тасаввур

қилиб кўринг-а. Мусиқага ишқибозлигим, суратларни «қойилмақом» қилиб чиза олишим, рақсга тушишим, ашула айтишим қўл келди чоғи. Хуллас, синфдошларим билан дўстлашиб кетдик, улардан билмаганларимни ўргандим, билганларимни эса, ўргатдим.

— **Демак, сен ўзбек қизи бўлиб қолибсан-да. Ҳар қалай, бунинг сири нимада?**

— Ҳеч қандай сири йўқ. Оиламизда акаларим Слава ва Женя ҳам мусиқа илмидан хабардор, рус тилида ҳам, ўзбек тилида ҳам бемалол гаплашаверамиз. Онам Жанна Цой Ўзбекистон Рассомлар бадий академиясининг ҳақиқий аъзоси, таниқли мусаввир. Отамни элас-элас эслайман. Алмати театрида актёр бўлган дейишади. 1989 йилда вафот этди...

Биласизми, бўш ўтиришни сира ёқтирмайман. Расм чизаман, ашула айтаман, мусиқа чаламан, теннис ўйнайман, рақсга тушиш жону дилим. 35-мусиқа мактабининг фортепиано синфини тугатганман. Ҳозир доира синфида ўқияпман. Шунингдек, «Чиноз» мақомчилари гуруҳида ҳам қатнашяпман.

— **Мактабда ўқишлар қалай?**

— Албатта, менинг интилишларим, ҳаракатларимнинг ҳамма-ҳаммаси ўқиш, ўрганиш орқали

амалга ошади-да. Ҳар ҳолда мактабимизнинг иқтидорли ўқувчилар гуруҳининг ўнинчи синфида ўқийман. Қизиқшларим ҳеч қачон ўқишга, жамоат ишларини бажаришга ҳалақит бермайди. Ҳаммасини режа асосида олиб бораман.

— **Устозларинг ҳақида гапирмадинг-ку?**

— Мақтанчоқлик қилаяпти демангу аввало, мени шу даражага етишимда онамнинг саъй-ҳаракатлари, хонадонимиздаги маънавиятга, маданиятга, санъатга чанқоқлик, оиламиздаги ўзаро аҳиллик, тотувлик муҳити таркиб топганлиги сабабли юзага келган, деб ўйлайман. Қолаверса, Чиноз тумани маданият ишлари бўлими мудири Карим ака Орзиқулов, мактабимиз директори Асқар ака Тошпўлатовлардан ҳамиша миннатдорман. Синф раҳбаримиз, устозим Маҳмуда опа Долимованинг меҳрибонликлари, қилаётган ишларимга ҳайрихоҳ бўлиб, маслаҳатлар бераётганликларини айтиб ўтишни истардим. Хуллас, кимди менга ниманидир ўргатган бўлса, ўша кишини устозим деб ҳисоблайман.

— **Лиза, вилоятимизда яшаб ижод қилаётган иқтидорли қизларимиз қаторида сен ҳам Зулфия номидаги мукофотга номзод бўлдинг.**



Хурсандмисан?

— Ниҳоятда хурсандман. Устозларим, дўстларим, мактаб маъмурияти мени қўллаб-қувватлаётган экан, озгина лаёқатим борлиги учун эъозлаётган экан, уларга муносиб бўлишга ҳаракат қилавераман.

Суҳбатимиз сўнггида яна камалак рангларининг товланишини эсладим. Назаримда, ёш истеъдодли хонанда, атоқли мусаввир Рўзи Чориевнинг совринига сазовор бўлган ҳаваскор рассом, мусиқа билимдони, рақоса, мумтоз қўшиқлар айтишни ҳавас қилган иқтидорли қизимиз Елизавета Цой албатта, камалакнинг етти ранги жозибасини ўзида мужассам эта олади ҳамда ўйлаган мақсадларининг ижобатини кўради.

Шавакат ТУРОБ
суҳбатлашди.

СУҲБАТДАН СЎНГ КОНЦЕРТ

Оҳангарондаги «Сусам» қишлоқ маданият ўйида туман ҳокимлиги ҳамда маданият ишлари бўлимининг ташаббуси билан «Терроризм, ислом дини ва ёшлар» мавзусида давра суҳбати бўлиб ўтди.

Унда туман ҳудудида ижтимоий-маънавий муҳитни янада соғломлаштириш, диний ақидапарастлик, экстремизмга қарши кураш, уларнинг олдини олиш чора-тадбирлари юзасидан фикр алмашди. Тадбирда маънавият ва маданият ходимлари, маҳалла оқсоқоллари, побонлари, хотин-қизлар қўмитаси вакиллари, фуқаролар ва ёшлар иштирок этишди. Суҳбатдан сўнг туман маданият ишлари бўлимининг бадийи ҳаваскорлари ижросида концерт дастури намойиш этилди.

Ўз мухбиримиз.

Навоийхонлик давом этади



Пойтахтимиздаги вилоят «Турон» кутубхонасида шеърят мулкининг султони Алишер Навоий таваллудининг 562 йиллигига бағишланган тадбир бўлиб ўтди. Унга академик Бахтиёр Назаров, профессор Наим Каримов, навоийшунос олимпиа Ганиева ва бошқа таниқли адабиётшунослар таширф буюришди. Эл таниган санъаткорлар Насиба Қамбарова, Раъно Ярашева ва Афзал Рафиқов буюк шоир асарларидан намуналар ўқидилар. Навоийхонликда ўтган суҳбат ва маърузалар Мирзо Улуғбек номидаги Ўзбекистон Миллий университети, Тошкент Давлат маданият институти ҳамда бошқа олийгоҳлар талабаларида катта таассурот қолдирди.

СУРАТДА: улуг шоир хотирасига бағишлаб ўтказилган тадбирдан лавҳа. Еркебой БОТИРОВ олган сурат.

Dushanba 17

«Ўзбекистон» телеканал
6.00 «Ассалом, Ўзбекистон!»
8.00-8.40 «Тахлилнома».

Бобур. «Болалар сайёраси»: 12.25 1. «Улғайиш погоналари». 2. «Олтин тож».

Премьера. 19.15 Бир жуфт кўшиқ. 19.25, 19.55, 20.25, 21.00, 21.30 Эълонлар

«Ёшлар» телеканал
Профилактика муносабати билан, душанба, 17 февраль кuni «Ёшлар» телеканал

14.00 Кўрсатувлар дастури. 14.05 Жаҳон жугрофи-яси.

18.05 «Узбек мумтоз шеърятидан». 18.55, 21.55 Иқлим. 19.00 Давр.

Эълонлар 20.15 «Мағриб тунлари». Бадий фильм.

17.15 Кўрсатувлар тартиби. 17.05 «Вести».

экрани. 18.30, 20.00, 21.15 «Пойтахт». Ахборот дастури.

17.00 Кўрсатувлар тартиби. 17.05 «Вести».

бўлишни истайди?» 21.00 «Время».

30-канал 16.55гача профилактика нишлари.

Seshanba 18

«Ўзбекистон» телеканал
6.00 «Ассалом, Ўзбекистон!»

йигитлар». Телесериал. 15.35 «Кўшигим - жон кўшигим».

Телесериал. 22.10 «Олам футбол».

8.55 Кўрсатувлар дастури. 9.00 Давр.

саргузаштлари». Телесериал. 15.40 Очун.

17.15 Кўрсатувлар тартиби. 17.05 «Вести».

«Сизтлдаги бедорлар». 0.15-0.20 Хайрли тун, шаҳрим!

17.00 Кўрсатувлар тартиби. 17.05 «Вести».

«Халқаро» телеканал

Биринчи канал 7.30-9.00

30-канал Телетомошабинлар диққатига! «30-канал» дастурлари

9.00 Дастурнинг очилиши. 9.05, 16.00, 17.40, 20.45

Chorshanba 19

«Ўзбекистон» телеканал
6.00 «Ассалом, Ўзбекистон!»

13.00 «Олам футбол».

20.15 «Юзма-юз».

11.00 «2000 йилдан сўнг».

уфклари. 11.00 «2000 йилдан сўнг».

14.40 Муқаддас бурч. 15.00 «Сирли шарча».

19.35 Очил дастурхон. 20.00 Спортлото.

17.15 Кўрсатувлар тартиби.

22.15 «Пойтахт» ахборот дастури.

Биринчи канал 7.30-9.00

Бадий фильм. 23.45 «Ахборот» (рус тилида)

30-канал Телетомошабинлар диққатига! «30-канал» дастурлари

Payshanba 20

«Ўзбекистон» телеканал
6.00 «Ассалом, Ўзбекистон!»

18.00 Янгиликлар 10.05 «Истеъмолчи».

13.30 «Ўзбекистон бастакорлари».

Телелотерея. 19.00 «Инсон ва конин».

22.20 «Бир умр ҳамроҳим».

10.20 Мусиқий лаҳзалар.

нам». Бадий фильм. 1-қисм.

Маънавият соатлари

Ўзбекистон Республикаси Президенти Ислам Каримовнинг «Миллий армиямиз – мустақиллигимизнинг, тинч ва осойишта ҳаётимизнинг мустаҳкам кафолатидир» асари бугунги кунда кенг жамоатчилик томонидан ўқиб, ўрганилмоқда. Республика «Маънавият ва маърифат» маркази ҳамда унинг Тошкент вилояти бўлими Қибрай туманидаги ҳарбий қисмлардан бирида ўтказган «Миллий армия – мустақиллигимиз таянчи» мавзудаги анжуман ҳам шу мақсадда уюштирилди.

БУРЧ ВА САДОҚАТ

Юртбошимиз Ислам Каримов Ўзбекистон Республикаси иккинчи чақириқ Олий Мажлисининг туққинчи сессиясида: «Ҳарбий хизмат кишидан бошқа соҳа мутахассисларига нисбатан кўпроқ мардлик, ма-

тонат ва фидойилик фазилатларини, уз Ватани олдидаги бурчи ва қасамёдига содиқликни талаб қилади» дея таъкидлаган эдилар.

Анжуманда сўзга чиққанлар Юртбошимиз томони-

дан минтақавий хавфсизлик, тинчлик, барқарорлик, мамлакатимизда миллатлараро ва фуқаролараро тоғувликни сақлаш борасида амалга ошираётган чора ва тадбирлар ҳақида батафсил фикр юритдилар.

Шавкат ҚУЛИБОЕВ,
«Тошкент ҳақиқати»
мухбири.

ДИҚҚАТ, ТЕНДЕР!

№	Йўналиш рақами	Йўналиш номи	Тендер ўтказиладиган сана	№	Йўналиш рақами	Йўналиш номи	Тендер ўтказиладиган сана
Олмалиқ шаҳри				Ўртачирчиқ тумани			
1	340 й.т.	Олмалиқ-Ангрен	14.03.2003	31	й.т.	Кўйлик-А.Яссавий ш/х	16.05.2003
2	341 й.т.	Олмалиқ-Отчопар бозори	14.03.2003	32	й.т.	Кўйлик-Тошовул	16.05.2003
3	329	Олмалиқ-Шовғазсой	14.03.2003	33	й.т.	Буюк ипак йўли м.б.-Ўртасарой	16.05.2003
4	331	Олмалиқ-Авжазсой	14.03.2003	34	й.т.	Кўйлик-Дўстлик ш/х	16.05.2003
5	332	Олмалиқ-Урғозсой	14.03.2003	35	345 й.т.	Тўйтепа-Кучлик	16.05.2003
6	339	Олмалиқ-Қизил ой	14.03.2003	36	422 й.т.	Тўйтепа-Кўйлик	16.05.2003
Оҳангарон тумани				37	424 й.т.	Туябўғиз-Кўйлик	16.05.2003
7	322	Оҳангарон-Эйвалек	19.03.2003	38	437 й.т.	Ким Пен Хва ш/х-Кўйлик	16.05.2003
8	330	Олмалиқ-С.Раҳимов ш/х	19.03.2003	39	442 й.т.	Тўйтепа-Туябўғиз	16.05.2003
9	334	Олмалиқ-Нуробод	19.03.2003	40	443 й.т.	Тўйтепа-Янги ҳаёт	16.05.2003
10	335	Оҳангарон-Тут	19.03.2003	Куйичирчиқ тумани			
11	337	Оҳангарон-Серго ш/х	19.03.2003	41	209 й.т.	Дўстобод-Дўстлик ш/х	23.05.2003
12	396	Оҳангарон-Тошкент	19.03.2003	42	211 й.т.	Уяли бурилиши-Хамза бўлими	23.05.2003
Чиноз тумани				43	212 й.т.	Дўстобод-Кўрғонча	23.05.2003
13	575 й.т.	Чиноз-Отчопар бозори	28.03.2003	44	213 й.т.	Дўстобод-Оққўрғон	23.05.2003
14	584 й.т.	Чиноз-Олмазор	28.03.2003	45	215 й.т.	Ўзбекистон 5 йиллиги-Беруний ш/х	23.05.2003
15	588 й.т.	Олмазор-С.Раҳимов м.б.	28.03.2003	46	217 й.т.	9-бўлим-Янги ҳаёт	23.05.2003
Янгийўл тумани				47	209	Дўстобод-Дўстлик ш/х	23.05.2003
16	298 й.т.	Халқобод-Ниёзбош	04.04.2003	48	361	Ўзбекистон 5 йиллиги-Беруний ш/х	23.05.2003
17	305 й.т.	Дам олиш уйи-Гулбаҳор	04.04.2003	49	348	Дўстобод-Кўрғонча	23.05.2003
Тошкент тумани				Юқоричирчиқ тумани			
18	473	Чорсу АШБ-Иттифоқ ш/х	11.04.2003	50	й.т.	Кўйлик-Балиқчи ш/х	06.06.2003
19	476 й.т.	Чорсу АШБ- Тошкент ш/х	11.04.2003	51	371 й.т.	Кўйлик-Жумабозор	06.06.2003
20	477 й.т.	Чорсу АШБ-Ўнқўрғон	11.04.2003	52	369	Янгибозор-Қизилтоғ	06.06.2003
21	479 й.т.	Юнусобод-Маданият кўрғони	11.04.2003	53	386	Янгибозор-Чотқол-Жудуруқ	06.06.2003
22	483	Чорсу АШБ-Култепа	11.04.2003	Бўка тумани			
Оққўрғон тумани				54	393	Бўка-С.Саймоқов ш/х	20.06.2003
23	200	Оққўрғон-9-бўлим	25.04.2003	55	409	Сегизбоев-Кўйлик	20.06.2003
24	301	Оққўрғон-Сегизбоев ш/х	25.04.2003	56	410	Бўка-Бўка 2-бўлими	20.06.2003
25	349	Оққўрғон-Хонқа	25.04.2003	57	413	Бўка-Хўжақўрғон	20.06.2003
26	351	Оққўрғон-3-бўлим	25.04.2003	58	407 й.т.	Бўка-Пскент	20.06.2003
27	354	Оққўрғон-Дўстобод	25.04.2003	59	402 й.т.	Бўка-Ф.Азаматов	20.06.2003
28	358	Оққўрғон-Элтамғали ш/х	25.04.2003				
29	360	Оққўрғон-Х.Олимжон ш/х	25.04.2003				
30	363	Оққўрғон-Охунбобоев ш/х	25.04.2003				

Вилоят ичида қатновчи шаҳарлараро ва шаҳар атрофи йўловчи ташиш йўналишларида ишлаш ҳуқуқини олиш учун очиқ тендерлар ўтказилади.

Очиқ тендерда мулкчилик шаклидан қатъи назар, Ўзбекистон Республикаси ҳудудида белгиланган тартибда рўйхатга олинган, солиқ органлари ҳисобида турувчи ва автомобиль транспортида шаҳар атрофи ва шаҳарлараро йўловчи ташишни амалга ошириш учун лицензияси бўлган

хўжалик юритувчи субъектлар иштирок этиши мумкин.

Тендер ташкилотчиси – Ўзбекистон Республикаси Вазиран Маҳкамасининг 1999 йил 29 июлдаги 368-сонли қарорига асосан, Тошкент вилояти ҳокимининг 2002 йил 19 июндаги 126-сонли қарори билан тузилган Вилоят комиссияси.

Комиссия манзили: Тошкент шаҳри У. Юсупов кўчаси, 3-уй.

Очиқ тендерда иштирок этишни хоҳлов-

чилар Вилоят комиссиясига тендер ҳужжатлари пакетини олиш учун тендер ўтказиладиган санадан 5 кун олдин буюртма беришлари лозим.

Вилоят комиссияси таклифларни тендер ўтказиладиган кундан бир кун олдин соат 17.00гача қабул қилади.

Тендер ўтказиш манзили: Тендер жадвалида кўрсатилган туман ёки шаҳар ҳокимиятининг кичик мажлислар залида соат 15.00да ўтказилади.

Маълумот учун телефон: 41-56-39.



БМТ:

КИПР МУАММОСИГА БАҒИШЛАБ

ПАТА-ТАСС ахборот маҳкамаси хабар беришича, БМТ Бош котиби Кофи Аннан Греция Бош вазири Константинос Стефанопулос ва Туркия Бош вазири Абдуллоҳ Гулга мактуб йўллаб, яқин кунлар ичида Кипр муаммосига бағишланган анжуман ўтказила- жагини маълум қилган.

Анжуман февраль ойининг охириги кунлари Нью-Йоркда, БМТ Бош қароргоҳида бўлиб ўтади.

ЕХХТ:

МУТАХАССИСЛАР КУЗАТУВИДА ЎТАДИ

Европада хавфсизлик ва ҳамкорлик ташкилоти (ЕХХТ) ҳамда Европа кенгашининг мутахассислари 23 март куни Чеченистонда бўладиган референдумни кузатади.

Ушбу икки халқаро ташкилотнинг Гаага шаҳрида бўлиб ўтган анжуманида шундай қарорга келинди.

ХИТОЙ:

МУЗОКАРАЛАР ЙЎЛИ БИЛАН

Хитой БМТ Хавфсизлик кенгашини Шимолий Корея можаро- сига аралашмасликка чақирмоқда. Шимолий Корея Атом энерге- тикаси бўйича халқаро агентликнинг ядро қуролини тарқатмас- лик тўғрисидаги битимини бузгач, агентлик ушбу масалани кўриб чиқиш учун БМТ Хавфсизлик кенгашига мурожаат қилганди.

Ҳозир воситачилик вазифасини ўтаётган Хитой Атом энерге- тикаси бўйича халқаро агентликни қўллаб-қувватласа-да, муам- мони музокара йўли билан ҳал этишни таклиф қилмоқда.

ГРУЗИЯ:

ЁРДАМ БЕРИШГА ТАЙЁР

Грузия президенти Эдуард Шеварднадзе Ироқ муаммоси бо- расида АҚШга ёрдам беражagini маълум қилди.

ПАТА-ТАСС ахборот маҳкамасининг хабар беришича, АҚШ дав- лат котибининг стратегик хавфсизлик масалалари бўйича ўрин- босари Стивен Редмейкернинг Грузия раҳбари билан учрашуви- да президент Э.Шеварднадзе америкаликларга Вазиани аэро- дромидан фойдаланишга розилик берган.

ПОЛЬША:

ГУРУҲ ФОШ ЭТИЛДИ

Польшада қалбаки евро чиқариш билан шуғулланадиган гуруҳ фош этилди. Жиноятчилар бир ярим миллионга яқин қалбаки евро тайёрлаганликда айбланмоқда. 2002 йил бошида амалга киритилган евро шу пайтга қадар бундай катта ҳажмда сохта- лаштирилмаган эди.

АҚШ: ТЕАТРГА ТЕЛЕФОНСИЗ

Нью-Йоркда фильм ва спектакллар намойиши да- вомида уяли телефондан фойдаланиш тақиқлаб қўйилди. Аввалроқ шаҳарда- ги ресторанларда чекиш ман этилган ва Нью-Йорк аҳли янги қоидага рози бўлган- ди.

Уяли телефон эгалари эн- диги тақиқдан биров норози. Гап шундаки, театрда бо- рувчиларнинг аксарияти ушбу матоҳдан фойдалана- ди. Энди, янги қонунга му- вофиқ, ҳар бир кўнғироқ учун 50 доллар миқдорида жарима солинади.

Шарҳловчи минбари

КОТ-Д'ИВУАР: ТИНЧЛИК БИТИМИ САМАРА БЕРМАЯПТИ

Шу йил январда Франция ташаббуси билан Кот-д'Ивуарда- ги сиёсий инқирозларга барҳам бериш юзасидан ҳукумат аъзо- лари ва муҳолиф гуруҳ иштирокида анжуман бўлиб ўтган эди. Ушанда томонлар мамлакатда барқарорлик ўрнатиш- га келишиб олган. Бирок орадан шунча вақт ўтса ҳамки, тинчликдан дарак йўқ.

БМТ Хавфсизлик кенгаши Кот-д'Ивуардаги кескинликни юмшатиш мақсадида расмий баёнот эълон қилди. Унда то- монлар ўртасида Маркус бити- мининг бажарилиши зарурлиги алоҳида қайд қилинган.

БМТ Хавфсизлик кенгаши эришилган келишувларнинг ба- жарилишини назорат қилиш учун махсус комиссия тузишни режа- лаштиряпти. Тинч аҳоли хавф- сизлигини таъминлаш ҳамда ку- затувчиларга кўмаклашиш мақ- садида Кот-д'Ивуар худудига Фарбий Африка давлатлари икти- содий бирлигига (ЭКОВАС) аъзо мамлакатлар ва Франциянинг тинчликни сақлаш кучлари жой- лаштирилади. Улар бу ерда олти ой давомида вазиятни кузатиб боради. Шароитга қараб, вако- лат муддати кенгаш томонидан яна узайтирилиши мумкин.

Маркус келишувига мувофиқ, президент Лоран Гбагбо ўз ла- возимида қолиши керак эди. Бирок бу битим эълон қилини- ши билан пойтахт Абижанда кўп

минг кишилик намойишлар авж олиб кетди. Аста-секин ҳукмрон доиралар орасида ҳам давлат раҳбарига қарши кучлар пайдо бўла бошлади.

ПАТА-ТАСС хабарига айтили- шича, Лоран Гбагбо тинчликни сақлаш тўғрисидаги келишувга амал қилишини билдирган. Аммо, у янги ҳукумат таркибига исёнчи гуруҳ вакиллари киритилишига қарши эканини яширмаяпти. Муҳолиф кучлар эса, янги ҳуку- мат таркибига улардан бирор вакил киритилмас экан, пойтахт- даги тартибсизликлар давом эта- веришини маълум қилган.

Кот-д'Ивуардаги беқарорлик минтақадаги қўшни давлатларга ҳам ўз таъсирини ўтказаяпти. Шу боис ЭКОВАС ва Африка итти- фоқи аъзолари ҳукумат ва муҳо- лифат ўртасидаги низони тинч йўл билан ҳал қилишга интил- моқда. Бирок уларнинг уриниш- лари ҳам ҳозирча самара бер- маяпти.

Фазлиддин АРЗИЕВ, ЎЗА шарҳловчиси.



Рим. Колизей.

Турфа Олам

ҚАЛДИРҒОЧ ИНИ... ДАРОМАД МАНБАИ

Таиланднинг чекка шаҳарчаси Пак Панангдаги ҳар бир уйча ва кулба қалдирғочларни боқишга мослашти- рилган. Эгалари уларни янгилаш, жозибадор қилиш йўлида тиним билмайдилар, деворларида шифтгача кўпдан-кўп ғовақлар очадилар. Шунинг учун шаҳардаги бундай уйчалар кўпроқ асаларилар уясига ўхшайди.

Пак Пананг аҳолиси бундай паррандалар учун «меҳ- монхоналар» қуришга муккасидан кетган. Бу уларнинг ишқибозлигидан далолат эмас, балки қушлар уяси яхши- гина даромад манбаи бўлганлиги учун шундай қилишга- ти. Қалдирғочлар ини нархи Таиландда анча баланд тура- ди. Унинг ҳар бир килограмми 1,3 минг доллардан де- ярли 2 минг долларга сотилади. Паррандалар инлари- дан Таиландда, Хитойда антиқа шўрва қай- натибгина қолмай, деярли барча касал- ликларга қарши дори-дармон тайёр- лашда фойдаланилади. Ҳар бир бун- дай «меҳмонхона»дан бир ойда 30- 50 килограммгача «ҳосил» йиғиб олинади. Бундай маҳсулотни со- тидан катта бойлик орттираёт- ган кимсалар кўп.



ЭНГ БИЖИЛДОҚ

Дунёда энг кўп гапирати- ган бижилдоқ одам ким бўлиши мумкин?

Бу саволга шве- циялик олим Тогд Эразм тўрт ёшли бола деб жа- воб беради.

Унинг ҳисо- би- ча- бу ёшдаги

гўдак бир кунда тахминан 14 мингта сўз айтиб чарчамас экан. Олим тўрт ёшдан олти ярим ёшгача бўлган икки юзга яқин болани текшириб шу хулосага келган.



НОНУШТА АҚЛНИ ПЕШЛАЙДИ

Шифокор педиатрлар болалар учун тўйимли нонуштанинг му- химлигини доим таъкидлаганлар. Болаларнинг ақлий ва жисмо- ний камол топишлари нонуштанинг қайси вақтда истеъмол қили- нишига ҳам боғлиқ экан. Исроиллик олимлар нонушта қилинган вақт болаларнинг эслаш қобилиятига ва уларнинг билимларни ўзлаштиришларига қандай таъсир этишини аниқлаш мақсадида қатор тадқиқотлар ўтказдилар. Маълум бўлишича, мактабда но- нушта қилган болалар дарсларни ўзлаштиришда нонушта қилма- ган тенгдошларига нисбатан анча юқори кўрсаткичларга эга бўла- дилар. Шуниси ҳам қизиқки, уйда овқатланган болалар (тестлар бошланишидан тахминан икки соат илгари) синовлар бошлани- шидан ярим соат илгари маккажўхори бодроғи билан сут тано- вул қилган болаларга нисбатан ёмон натижалар кўрсатганлар. Бундан чиқариладиган хулоса шуки, ота-оналар ва ўқитувчилар болалар ва ўсмирлар учун мак- табда нонушта уюштирадилар яхши бўлади. Бу билан улар бо- лаларни кулунж (қолит) ва гас- ритлардан муҳофаза қилиш би- лан бирга, уларнинг ақлий қоби- лиятларини оширишга ёрдам берган бўладилар.



Турфа Олам



Омон Матжон

«Очиқ деразалар», «Карвон кўнғироғи», «Кўёш соати», «Хаккуш қичқирғи», «Сени яхши кўраман», «Уртамизда биргина олма», икки жилдлик «Сайланма» ва бошқа бир катор шеърини тўпламларнинг муаллифи Ўзбекистон халқ шоири Омон Матжоннинг газетхонлар билан учрашуви ҳамisha кувончли кечади. Кўйда шоирнинг бир жуфт шеърини эътиборингизга ҳавола қиламиз.

ЖАВОБ

Ёмонликка ўргатмайман болаларимни, Мижозимга юртпарастлик, тарафкашлик ёт. «Биз ўбеклар ундай халқимиз, мундай халқимиз!» деб Сўларимга уламайман кибрдан қанот.

Юртимизни мафтун кезиб юрсак ҳар доим Болаларим мени тинмай кўмар саволга. Наманганда, дейлик, учрар Искандар қўрғон, Дарҳол таъриф беришим шарт фотиҳи золга.

Бухорода яхши маълум Арабон қалъа. Хоразмда — Чингизтепа, булар жуда кўп. Тарихдаги қони қотган яралар булар, Булар юртга ҳусибузар, кўзга тушган чўп.

Болаларга эрмак энди бу харобалар, Уюм хокдир бир пайтдаги дабдабалари. Тепаларни тепкилашиб ўйнар болалар Ҳайвонларга қўнган митти қушлар сингари.

Минг бола ҳам бир бола-да! «Нега?», «Ким?», «Қандай?» Каби бир хил саволларга асирдир улар: Билиши шарт — дўст деб кимга айтилишини, Билиши шарт — босқинчи деб кимга айтилар.

Сир эмасдир, тупроғимда истилолардан Неча минг бор қайтарилган қиёмат, маъшар, Қақнус қушдек, парларидан оҳанг таралиб, Уз қўлидан тиклангандир халқим ҳар сафар.

Мен шуларни босқинчи ё келгинди, десам, Уйлайманки, миллати деб сўкмас бировлар. Ёмонликка ўргатмайман болаларимни, Ҳар бир юртни тинч қўйсинлар фотиҳлар, ёлар.

ХОРАЗМ РАҚСИ


Давра олинг, ўйноли,
«Лазги» чалинг, ўйноли,
Ларза солинг, ўйноли,
Уйнаб қолинг, ўйноли!

Сабо бўлиб ўйноли,
Дарё бўлиб ўйноли,
Зиё бўлиб ўйноли,
Дунё бўлиб ўйноли!

Бу — навбахор, ўйноли,
Сайради тор, ўйноли.
Уртада ёр, ўйноли,
Дил интизор, ўйноли!

Боқиб ҳар ён, ўйноли,
Қочсин ёмон, ўйноли,
Замон-замон, ўйноли,
Омон-омон, ўйноли!

Сканворд



Тузувчи: Акрамжон ХУЖАМОВ.

Болалар спортига эътибор

ҚИЗЛАРГА НИМА ЯРАШАДИ?

уларнинг спорт кийимлари қандай бўлиши керак деган муҳим масалага алоҳида урғу берди. Биз Тошкент Давлат аграр университетининг жисмоний тарбия кафедраси ўқитувчиси, сузиш бўйича мураббий Мунира Рўзиева билан ушбу мавзу доирасида суҳбатлашдик.

— Президент Оқсаройдаги йиғилишда ўзбек қизларини спортга жалб этишдан аввал, ушбу масаланинг айрим нозик жиҳатларини чуқур таҳлил қилиш зарурлигига эътиборни қаратди. Бу борада сиз мутахассис сифатида қандай фикрдасиз?

— Ҳақиқатан ҳам Президентимиз энг нозик, аммо жуда муҳим масалани ўртага ташладилар. Юртбошимиз таъкидлаганларидек, спортнинг ҳамма турлари ҳам ифбатли ва ибобли ўзбек қизларига тўғри келавермайди. Иккинчидан, қизларимиз учун миллий урф-одатларимиз, яъни менталитетимизга мос келадиган спорт кийимларини танлашимиз зарурлиги ҳақидаги фикр ҳам жуда ўринлидир. Республикаимизда болалар спортини ривожлантириш юзасидан бошланган саъй-ҳаракатлар жараёнида бу муҳим масалалар, албатта, ҳисобга олин-

ши керак.

Мен ўзим университетда 1999 йилдан буён фаолият юритаётган бўлсам, русий забон қизларга қараганда ўзбек қизларининг машғулотларга қатнашиши жуда суст. Машғулотлар кеч соат 18 ларда бошланади. Шу боис бўлса керак, кўпгина ота-оналар қизларининг спорт билан мунтазам шуғулланишларига рухсат беришмайди.

Ҳозирги кунда университети-миздаги сузиш ҳавзаси таъмирланаётганлиги сабабли қизларимиз билан Митрофанов номидаги сузиш ҳавзасига бораёلمиз. Машғулотлар бепул бўлса ҳам, ўзбек қизларини унга жалб этиш қийин бўлаяпти. Уйлайманки, биз мутахассислар ота-оналар билан тез-тез учрашиб, тушунтириш ишларини олиб боришимиз керак.

— Умуман, ўзбек қизлари спортнинг қайси турлари билан шуғулланганлари маъқул деб, ҳисоблайсиз?

— Мантиқий нукта назардан ёндашадиган бўлсак, спорт жинс танламайди. Лекин, бизнинг менталитетимиз, ўзбек қизларининг ифбат ва ибосини ҳисобга олиб, спорт турларини танлашга тўғри келади, албатта. Гимнастика, сузиш, енгил атлетика, волейбол, бас-

(Давоми. Боши 1-бетда).

Спортнинг оммавий турларидан бири бўлган волейбол бўйича Ўзбекистон чемпионати ниҳоясига етди. Унда 6 терма жамоа иштирок этди.

ВАКИЛЛАРИМИЗ ҚЎЛИ УСТУН КЕЛДИ

Чемпионатда биринчи марта қатнашаётган Олмалик кон-металлургия комбинати жамоаси Кўкон терма жамоасига қарши курашди ва уч сетда 25:21, 25:23, 25:20 натижаларга эришиб, рақибини мағлуб этди.

Ўз муҳбиримиз.

РЕСПУБЛИКА БОСҚИЧИ ДАВОМ ЭТАЯПТИ

Пойтахтдаги Ўзбекистон Қуролли Кучлари спорт марказида умумий ўрта таълим мактаблари ўқувчилари ўртасида «Кўноқ стартлар» мусобақаларининг финал босқичи давом этмоқда.

Халқ таълими вазирлиги ҳамда Ўзтеле радиокорпорация ҳамкорлигида бу йил йигирманчи марта ба ўтказилаётган ушбу мусобақаларнинг илк босқичи сентябрь-октябрь ойларида бошланган эди. Унда Қорақалпоғистон Республикаси, вилоятлар ва Тошкент шаҳар мактабларининг 5-7 синф ўқувчилари фаол қатнашди. Мусобақанинг 29 апрелдаги давом этадиган республика босқичини Жиззахдаги 11-умумий ўрта мактабнинг «Омад» ҳамда Самарқанд вилояти Пастдарғом туманидаги 105-мактабнинг «Умид» жамоалари ўртасидаги беллашув бошлаб берди. Самарқандликлар юксак маҳорат кўрсатиб, Жиззах вилоя-

ти терма жамоасини мағлуб этишди. Голиб жамоа 18 март куни Фарғона вилоятидаги 10-мактаб терма жамоаси билан учрашди.

Жами 14 та терма жамоа иштирокидаги мусобақалар ҳар ҳафтанинг сешанба куни Марказий ҳарбий спорт клубида ўтказилди. 18 февраль куни Чиноз туманидаги 29-ўрта мактабнинг «Истиклол» терма жамоаси вилоятимиз шарафини ҳимоя қилиш учун Хоразм вилояти Хева туманидаги 10-ўрта мактабнинг «Феруз» жамоасига қарши майдонга тушади. Ҳар икки жамоадан 24 иштирокчи мусобақалар дастурига киритилган 10 та шартни бажариши керак.

QARZ



novvoy: «Nonlarni sotib bo'ldim, senga qolmadi. Lekin nima uchun har kuni to'qqizta non olishing sababini aytib bersang, o'zimga olib qo'ygan nonlarni senga berib

Bolalik bog'i

yuboraman», — debdi.

Hasan shunda novvoyga: «Olgan nonlarimning ikkitasini qarzingga beraman, beshtasini qarzga beraman, qolgan ikkitasini hotinim bilan o'zim eyman», — debdi. Novvoy Hasaning gapiga tushunmabdi. Shunda Hasan: «Nonlarning ikkitasini qarzga beraman, ya'ni o'ta-onamdan meni boqib katta qilganlari uchun qarzdorman, ularga beraman. Beshta nonni bolaringga beraman. Bu qarz, ular ham qariganimda ana shu qarzni qaytaradilar», — debdi.

Kumush EGAMBERDIYEVA tayyorladi.

ТОШКЕНТ ҲАҚИҚАТИ
ТАШМЕЧТҚАЯ ПРАВА

Муассис
ТОШКЕНТ
ВИЛОЯТИ
ҲОКИМЛИГИ

Бош муҳаррир
Фатҳиддин
МУҲИДДИНОВ

Телефонлар:
Хатлар ва оммавий
ишлар бўлими: 133-40-48.
Эълонлар:
133-70-10, 136-53-80.

Манзилимиз:
700000, Тошкент
шаҳри, Матбуотчилар
кўчаси, 32.

Ўзбекистон Республикаси Давлат
матбуот қўмитасида 8 рақами
билан рўйхатга олинган.

Газета «Тошкент Ҳақиқати»
тахририяти компьютер
марказида терилди ва
соҳифоланди.

● Эълон ва билдирув-
лардаги факт ҳамда далил-
ларнинг тўғрилиги учун
реклама ва эълон берув-
чилар масъулдир.